



МОНГОЛ УЛС  
ГОВЬ-АЛТАЙ АЙМГИЙН ЗАСАГ ДАРГЫН  
ЗАХИРАМЖ

2021 оны 01 сарын 25 өдөр

Дугаар А/26

Алтай хот

Хөрөнгө оруулалтын санхүүжилтэд  
хяналт тавих албан тушаалтныг томилох  
тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь хэсэг, Төсвийн тухай хуулийн 14 дүгээр зүйлийн 14.2.3 дахь заалт, 14.4 дэх хэсэг, Сангийн сайдын 2019 оны 282 дугаар тушаалаар батлагдсан "Төсвийн хөрөнгө оруулалтаар хэрэгжүүлэх төсөл арга хэмжээг төлөвлөх, санхүүжүүлэх, хянах, тайлагнах журам"-ыг тус тус үндэслэн ЗАХИРАМЖЛАХ нь:

1. Улсын болон орон нутгийн төсөв, төсөл хөтөлбөрийн хөрөнгөөр санхүүжих барилга угсралтын ажлын санхүүжилтийн хүсэлтийн маягт (хавсралт 7), Барилга угсралт, их засварын ажлын гүйцэтгэл (хавсралт 8), ажлын барилга угсралт, их засварын ажлын үе шатны хуваарь (хавсралт 9), зураг төсөл боловсруулсан зардал, зохиогчийн хяналт болон захиалагчийн хяналтын зардлын гүйцэтгэлийн нэгдсэн акт (хавсралт 16)-д захиалагчийг төлөөлж Газрын харилцаа, барилга хот байгуулалтын газрын хяналтын инженер, Газрын харилцаа, барилга хот байгуулалтын газрын дарга, Хөрөнгө оруулалт, хөгжлийн бодлого, төлөвлөлтийн хэлтсийн хөрөнгө оруулалтын бодлого хариуцсан мэргэжилтэн, Хөрөнгө оруулалт, хөгжлийн бодлого, төлөвлөлтийн хэлтсийн дарга, Санхүү, төрийн сангийн хэлтсийн дарга гарын үсэг зурж, түүнийг зөвшөөрч Засаг даргын Тамгын газрын дарга гарын үсэг зурахыг тус тус зөвшөөрсүгэй.

2. Барилга угсралт, их засварын ажлын гүйцэтгэлийн санхүүжилт, концессын гэрээний эргэн төлөлт, зөвлөх үйлчилгээний, тоног төхөөрөмжийн хяналтын хуудас (хавсралт 2, 3, 4, 5, 6)-т тус тус тусгагдсан шалгуур үзүүлэлт, шаардлагыг хангаж буй эсэхийг хөрөнгө оруулалтын асуудал хариуцсан мэргэжилтэн шалгаж, хяналтын хуудсыг бөглөн, санхүүжих ажлын жагсаалтад тусгахыг зөвшөөрч, Хөрөнгө оруулалт, хөгжлийн бодлого, төлөвлөлтийн хэлтсийн дарга гарын үсэг зурж хяналт тавихаар томилсугай.

3. Энэхүү журам болон холбогдох хууль тогтоомжид нийцсэн хяналтын хуудас бүрэн бөглөгдсөн тохиолдолд Хөрөнгө оруулалт, хөгжлийн бодлого, төлөвлөлтийн хэлтэс санхүүжүүлэх төсөл, арга хэмжээний жагсаалт (хавсралт 14, 15)-ыг батлагдсан маягтын дагуу Санхүү, төрийн сангийн хэлтэст хүргүүлсүгэй.

2.

4. Хөрөнгө оруулалт, хөгжлийн бодлого, төлөвлөлтийн хэлтэс нь төсөл арга хэмжээний эцсийн санхүүжилтийн эрх нээхдээ гэрээг дүгнэж (гэрээ дүгнэх маягт хавсралт 12) тухайн барилга байгууламж, тоног төхөөрөмжийг ашиглагч байгууллага нь бүртгэлд тусгасныг нотлох баримтыг хавсаргаж холбогдох албан тушаалтанд танилцуулсугай.

5. Санхүүжилтийн гүйлгээ хийх төсвийн хөрөнгө оруулалтын данс бүрт нэгдүгээр гарын үсгийг аймгийн Засаг даргын Тамгын газрын дарга, хоёрдугаар гарын үсгийг аймгийн төсвийн ерөнхийлөн захирагчийн ерөнхий нягтлан бодогч зурахыг зөвшөөрсүгэй.

6. Төсвийн хөрөнгө оруулалтын ажлын гүйцэтгэл, санхүүжилтийн мэдээ, ажлын явц, үр дүнгийн талаарх тайланг сар бүр журам (хавсралт 10)-д заасан, ашиглалтад орсон барилга байгууламжийн мэдээ (хавсралт 13)-г хөрөнгө оруулалтын асуудал хариуцсан мэргэжилтэн гаргаж, Төсвийн ерөнхийлөн захирагчид танилцуулан шилэн данс болон холбогдох сайтад байршуулж байхыг Хөрөнгө оруулалт, хөгжлийн бодлого, төлөвлөлтийн хэлтсийн даргад даалгасугай.

7. Захирамжийн хэрэгжилтэд хяналт тавьж ажиллахыг Санхүүгийн хяналт, аудитын албанд үүрэг болгосугай.

8. Энэ захирамж гарсантай холбогдуулан 2020 оны 03 дугаар сарын 23-ны өдрийн А/161 дүгээр захирамжийг хүчингүй болгосугай.

ЗАСАГ ДАРГА



О.АМГАЛАНБААТАР